

An Bhruiséil, 25 Lúnasa 2025
(OR. en)

12229/25

ENER 408
CLIMA 311
CONSOM 157
TRANS 339
AGRI 387
IND 314
ENV 772
FORETS 58
DELECT 117

NÓTA CLÚDAIGH

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	21 Lúnasa 2025
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	C(2025) 5117 final
Ábhar:	RIALACHÁN TARMLIGTHE (AE) .../... ÓN gCOIMISIÚN an 29.7.2025 lena leasaítear Rialachán Tarmligthe (AE) 2022/2202 tríd an liosta de thionscadail roghnaithe trasteorann i réimse an fhuinnimh in-athnuaite a thabhairt cothrom le dáta

Gheobhaidh na toscaireachtaí i gceangal leis seo doiciméad C(2025) 5117 final.

Faoi iamh: C(2025) 5117 final



AN COIMISIÚN
EORPACH

An Bhruiséil, 29.7.2025
C(2025) 5117 final

RIALACHÁN TARMLIGTHE (AE) .../... ÓN gCOIMISIÚN

an 29.7.2025

lena leasaítear Rialachán Tarmligthe (AE) 2022/2202 tríd an liosta de thionscadail roghnaithe trasteorann i réimse an fhuinnimh in-athnuaite a thabhairt cothrom le dáta

(Téacs atá ábhartha maidir le LEE)

MEABHRÁN MÍNIÚCHÁIN

1. COMHTHÉACS AN GHNÍMH THARMLIGTHE

Leis an Rialachán Tarmligthe seo, tugtar cothrom le dáta an liosta de thionscadail roghnaithe trasteorann i réimse an fhuinnimh in-athnuaite (tionscadail trasteorann i réimse an fhuinnimh in-athnuaite).

Rannchuidíonn na tionscadail trasteorann i réimse an fhuinnimh in-athnuaite leis an dícharbónú, leis an margadh inmheánach fuinnimh a chomhlánú agus le feabhas a chur ar shlándáil an tsoláthair. Áirítear iad i gcomhaontú comhair nó in aon chineál eile socraithe a bhíonn ann idir dhá Bhallstát nó níos mó nó i socruithe a bhíonn ann idir Ballstát amháin nó níos mó agus tríú tír amháin nó níos mó.

Le hAirteagal 25(1)(b) de Rialachán (AE) 2021/1153 ó Pharlaimint na hEorpa agus ón gComhairle, lena mbunaítear an tSaoráid um Chónascadh na hEorpa (Rialachán SCE)¹, ceanglaítear ar an gCoimisiún gníomh tarmligthe a ghlacadh chun liosta de thionscadail trasteorann roghnaithe i réimse an fhuinnimh in-athnuaite a bhunú agus a thabhairt cothrom le dáta. Bunaítear an liosta ar an dréachtliosta a chomhaontaigh an grúpa um thionscadail trasteorann i réimse an fhuinnimh in-athnuaite dá dtagraítear san Iarscríbhinn, Cuid IV, pointe 4(b), a ghabhann le Rialachán (AE) 2021/1153.

Glacadh an chéad liosta le Rialachán Tarmligthe (AE) 2022/2202 ón gCoimisiún an 29 Lúnasa 2022. Leasaíodh é ina dhiaidh sin le Rialachán Tarmligthe (AE) 2023/2639 ón gCoimisiún an 19 Meán Fómhair 2023 agus le Rialachán Tarmligthe (AE) 2024/2613 ón gCoimisiún an 24 Iúil 2024.

I bhfianaise an cheathrú glao ar iarratas ar thionscadail trasteorann i réimse an fhuinnimh in-athnuaite, ní mór an liosta a thabhairt cothrom le dáta.

2. COMHAIRLIÚCHÁIN ROIMH GHLACADH AN GHNÍMH

An Grúpa Saineolaithe um ullmhú agus tarraingt suas an ghnímh tharmligthe lena bhforlíontar an tSaoráid um Chónascadh na hEorpa a mhéid a bhaineann leis na critéir agus leis an bpróiseas chun tionscadail trasteorann i réimse an fhuinnimh in-athnuaite a shainaithint, ar grúpa é a bunaíodh le Rialachán Tarmligthe (AE) 2022/342 an 21 Nollaig 2021, chuathas i gcomhairle leis maidir leis an Rialachán Tarmligthe seo an 1 Aibreán 2025. Chomhaontaigh an Grúpa Saineolaithe dréachtliosta de thionscadail trasteorann i réimse an fhuinnimh in-athnuaite ar bhonn na meastóireachta a rinne an Coimisiún. Níl an liosta deiridh de na tionscadail a bhunaítear leis an Rialachán Tarmligthe seo difriúil leis an liosta a chomhaontaigh an Grúpa Saineolaithe.

3. EILIMINTÍ DLÍ AN GHNÍMH THARMLIGTHE

Leis an Rialachán Tarmligthe seo, cuirtear cúig thionscadal trasteorann nua i réimse an fhuinnimh in-athnuaite le liosta na dtionscadal roghnaithe trasteorann, a chomhlíonann na critéir incháilitheachta agus roghnúcháin a leagtar síos le Rialachán (AE) 2021/1153 agus critéir roghnúcháin shonracha agus mionsonraí an phróisis roghnúcháin a leagtar amach i

¹ IO L 249/38, 14.7.2021. ELI: <http://data.europa.eu/eli/reg/2021/1153/oj>

Rialachán Tarmligthe (AE) 2022/342 ón gCoimisiún². Na tionscadail trasteorann i réimse an fhuinnimh in-athnuaite atá i gceist, rannchuidíonn siad leis na cuspóirí a bhaint amach a leagtar amach in Airteagal 7 de Rialachán (AE) 2021/1153 agus san Iarscríbhinn, Cuid IV, pointe 1, a ghabhann leis.

² IO L 62/1, 1.3.2022. ELI: http://data.europa.eu/eli/reg_del/2022/342/oj

RIALACHÁN TARMLIGTHE (AE) .../... ÓN gCOIMISIÚN

an 29.7.2025

lena leasaítear Rialachán Tarmligthe (AE) 2022/2202 tríd an liosta de thionscadail roghnaithe trasteorann i réimse an fhuinnimh in-athnuaite a thabhairt cothrom le dáta

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2021/1153 ó Pharlaimint na hEorpa agus ón gComhairle an 7 Iúil 2021 lena mbunaítear an tSaoráid um Chónascadh na hEorpa agus lena n-aisghairtear Rialachán (AE) Uimh. 1316/2013 agus Rialachán (AE) Uimh. 283/2014³, agus go háirithe Airteagal 25(1)(b) de,

De bharr an mhéid seo a leanas:

- (1) Le Rialachán (AE) 2021/1153, bunaítear catagóir tionscadail trasteorann i réimse an fhuinnimh in-athnuaite a rannchuidíonn leis an dícharbónú, leis an margadh inmheánach fuinnimh a chomhlánú agus le feabhas a chur ar shlándáil an tsoláthair fuinnimh. De bhun Airteagal 7(1) de Rialachán (AE) 2021/1153, bunaítear na tionscadail trasteorann sin trí bhíthin comhaontú comhair idir dhá Bhallstát nó níos mó, nó idir aon Bhallstát amháin nó níos mó agus aon tríú tír amháin nó níos mó mar a leagtar amach in Airteagail 8, 9, 11 agus 13 de Threoir (AE) 2018/2001 ó Pharlaimint na hEorpa agus ón gComhairle⁴.
- (2) Tá roghnú na dtionscadal trasteorann i réimse an fhuinnimh in-athnuaite faoi réir na gcritéar agus na nósanna imeachta ginearálta a leagtar amach i Rialachán (AE) 2021/1153 agus faoi réir critéir roghnúcháin shonracha bhreise agus mionsonraí an phróisis roghnúcháin a leagtar amach i Rialachán Tarmligthe (AE) 2022/342 ón gCoimisiún⁵.
- (3) Roghnaítear tionscadail trasteorann i réimse an fhuinnimh in-athnuaite agus áirítear iad ar liosta arna tharraingt suas d'aon ghnó trí bhíthin gníomhartha tarmligthe.

³ Rialachán (AE) 2021/1153 ó Pharlaimint na hEorpa agus ón gComhairle an 7 Iúil 2021 lena mbunaítear an tSaoráid um Chónascadh na hEorpa agus lena n-aisghairtear Rialachán (AE) Uimh. 1316/2013 agus Rialachán (AE) Uimh. 283/2014 (IO L 1 249, lch. 38, 14.7.2021. ELI: <http://data.europa.eu/eli/reg/2021/1153/oj>

⁴ Treoir (AE) 2018/2001 ó Pharlaimint na hEorpa agus ón gComhairle an 11 Nollaig 2018 maidir le húsáid fuinnimh ó fhoinsí in-athnuaite a chur chun cinn (IO L 328, 21.12.2018, lch. 82, ELI: <http://data.europa.eu/eli/dir/2018/2001/oj>).

⁵ Rialachán Tarmligthe (AE) 2022/342 ón gCoimisiún an 21 Nollaig 2021 lena bhforlíontar Rialachán (AE) 2021/1153 ó Pharlaimint na hEorpa agus ón gComhairle a mhéid a bhaineann leis na critéir roghnúcháin shonracha agus mionsonraí an phróisis chun tionscadail trasteorann i réimse an fhuinnimh in-athnuaite a roghnú (IO L 62, 1.3.2022, lch. 1, ELI: http://data.europa.eu/eli/reg_del/2022/342/oj).

- (4) Mar thoradh ar chuimsiú tionscadal trasteorann i réimse an fhuinnimh in-athnuaite ar an liosta, bíonn siad incháilithe chun iarratas a dhéanamh ar chistiú faoin tSaoráid um Chónascadh na hEorpa⁶.
- (5) Tar éis glao ar thograí a foilsíodh an 3 Meán Fómhair 2024 agus a dúnadh an 7 Eanáir 2025, roghnaíodh cúig thionscadal trasteorann nua i réimse an fhuinnimh in-athnuaite. Rinne saineolaithe seachtracha agus saineolaithe ón nGníomhaireacht Feidhmiúcháin Eorpach um an Aeráid, Bonneagar agus Comhshaol agus ón gCoimisiún Eorpach measúnú ar na tionscadail roghnaithe, go háirithe a mhéid a bhaineann lena saothrú costéifeachtach fuinnimh in-athnuaite agus leis an gcur chun feidhme trí bhithin teicneolaíochtaí éagsúla fuinnimh in-athnuaite, lena n-áirítear gaoth amach ón gcósta agus ar talamh.
- (6) Thug an Coimisiún fógra faoi thorthaí an mheasúnaithe a bhaineann leis na tionscadail roghnaithe trasteorann nua i réimse an fhuinnimh in-athnuaite don Ghrúpa Saineolaithe arna bhunú le Rialachán Tarmligthe (AE) 2022/342 ón gCoimisiún an 21 Nollaig 2021, arb é an gníomh tarmligthe é lena bhforlíontar an tSaoráid um Chónascadh na hEorpa i ndáil leis na critéir agus leis an bpróiseas chun tionscadail trasteorann i réimse an fhuinnimh in-athnuaite a shainaithint. Tar éis comhaontú a fháil ón ngrúpa um thionscadail trasteorann i réimse an fhuinnimh in-athnuaite dá dtagraítear san Iarscríbhinn, Cuid IV, pointe 4(b), a ghabhann le Rialachán (AE) 2021/1153, ba cheart na tionscadail roghnaithe trasteorann nua i réimse an fhuinnimh in-athnuaite a áireamh ar an liosta.
- (7) Tá cuimsiú tionscadal ar an liosta de thionscadail trasteorann i réimse an fhuinnimh in-athnuaite faoi réir chomhlíonadh dhlí an Aontais acu, lena n-áirítear toradh an mheasúnaithe ábhartha comhshaoil agus na nósanna imeachta um cheadú.
- (8) Dá bhrí sin, ba cheart Rialachán (AE) 2022/2202 a leasú dá réir,

TAR ÉIS AN RIALACHÁN SEO A GHLACADH:

Airteagal 1

Cuirtear an méid seo a leanas in ionad Airteagal 1 de Rialachán Tarmligthe (AE) 2022/2202:

Airteagal 1

Seo a leanas an liosta de na tionscadail trasteorann i réimse an fhuinnimh in-athnuaite a roghnaíodh de bhun na hIarscríbhinne, Cuid IV, pointe 4(g), a ghabhann le Rialachán (AE) 2021/1153:

Uimhir tionscadail	an Ainm an tionscadail	Forbróirí tionscadail	an Na rannpháirteacha
2022-05	ELWIND – Tionscadal hibrideach comhpháirteach na hEastóine-na Laitvia le	Aireacht Gnóthaí Eacnamaíocha agus Cumarsáide na	An Eastóin agus an Laitvia

⁶ Rialachán (AE) 2021/1153 ó Pharlaimint na hEorpa agus ón gComhairle an 7 Iúil 2021 lena mbunaítear an tSaoráid um Chónascadh na hEorpa agus lena n-aisghairtear Rialachán (AE) Uimh. 1316/2013 agus Rialachán (AE) Uimh. 283/2014 (IO L 249, 14.7.2021, lch. 38, ELI: <http://data.europa.eu/eli/reg/2021/1153/oj>).

	haghaidh gaoth amach ón gcósta	hEastóine; Aireacht Eacnamaíochta Phoblacht na Laitvia	
2022-07	CICERONE-CEO – Comhghuaillíocht Eorpach Trasteorann le haghaidh Slabhra Luacha Hidrigine Glaise	EON.SE; IBERDROLA CLIENTES S.A.U.	An Ghearmáin, an Spáinn agus an Ísiltír
2022-10	UNITED HEAT – Téamh ceantair aeráidneodrach sa chathair Eorpach Goerlitz Zgorzelec –	Stadtwerke Görlitz AG; SEC Zgorzelec Sp. z o.o.	An Ghearmáin agus an Pholainn
2023-2	ULP-RES WP – Páirc Ghaoithe Utilitas Lode-Penuja RES	Utilitas Wind SIA; Utilitas Wind OÜ	An Laitvia agus an Eastóin
2023-3	SLOWP – Páirc Ghaoithe Amach ón gCósta Saare-Liivi	Utilitas Wind OÜ	Lucsamburg agus an Eastóin
2023-6	TMNHSA – Tionól Struchtúr Hiodrálach Turnu Magurele-Nikopol	Natsionalna Elektrieska Kompania EAD; S.P.E.E.H. HIDROELECTRICA S.A.	An Bhulgáir agus an Rómáin
2023-7	BEI – Oileán Fuinnimh Bornholm	Aireacht Aeráide, Fuinnimh agus Fóntas	An Danmhairg agus an Ghearmáin
2023-9	PONTIS – Dul chun cinn maidir le haistriú fuinnimh in-athnuaite le haghaidh soláthar idirnáisiúnta in Eoraip nasctha	Iberdrola Clientes SAU; Mitsubishi Corporation	An Spáinn agus an Ísiltír
2024-1	CORES – Staidéir Chuimsitheacha maidir le hAcmhainneacht i dtaobh Fuinneamh In-Athnuaite Amach ón gCósta	DGEG – Direção Geral de Energia e Geologia	An Phortaingéil agus Lucsamburg
2024-2	Giniúint In-Athnuaite Medlink – MedGen	Zhero Europe B.V.: Eintiteas dlíthiúil príobháideach i mBallstát (NL – comhordaitheoir)	An Iodáil, an Ailgéir agus an Túinéis

		Medlinks Algeria B.V.: Eintiteas dlíthiúil príobháideach i mBallstát (NL – tionscnóir) Medlinks Tunisia B.V. Eintiteas dlíthiúil príobháideach i mBallstát (NL – tionscnóir)	
2024-3	Páirc Ghaoithe Utilitas Eleja-Joniski – UELJO WP	Utilitas Wind SIA; Utilitas Wind UAB	An Laitvia agus an Liotuáin
2024-4	Páirc Ghaoithe amach ón gCósta LiiviBay	Enefit Green AS	An Eastóin agus an Laitvia
2024-6	Claochlú glas an téimh ceantair i nascbhailte Ślubice & Frankfurt (Oder) – Twin Heat	SEC Region Sp. z o.o agus Stadtwerke Frankfurt (Oder) GmbH	An Pholainn agus an Ghearmáin

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 29.7.2025

Thar ceann an Choimisiúin
An tUachtarán
Ursula VON DER LEYEN